




文獻通考卷五十五

鄧 陽 馬 端 臨 賁 與 著

職官考九

諸卿 少卿

夏制九卿

記曰夏后氏官百天子有三公謂陰陽九卿也亦有六卿殷周皆然殷亦九卿伊尹曰三公謂陰陽九卿通寒暑周之九卿卽少師少傅少保冢宰司徒宗

伯司馬司空

二代諸卿雖名號不同然其官職漢以太常光祿勳衛尉太僕廷尉大鴻臚宗正大司農少府

謂之九寺大卿後漢九卿而分屬三司

太常光祿勳衛尉三卿並太尉所部太僕廷尉大鴻臚多進爲三公各有

署曹掾史隨事爲員九卿有疾使者臨問加賜錢布

尚書令陳忠常欲褒建此禮魏九卿與漢同九卿名數晉以大常等

九卿

卽漢九卿兼將作大匠太后三卿大長秋皆爲列卿各置丞功曹主簿五官等員太康四年增九卿禮秩

太常而散騎常侍如故循以九卿舊不加官惟拜太常而已

宋齊及梁初皆因舊制宋卿尹皆銀章青綬進賢兩梁冠佩水蒼玉衛尉則梁武

帝天監七年以太常卿加置宗正卿以大宗卿爲司農卿三卿是爲春卿加置太府卿以少府爲少府卿加置太

僕卿三卿是爲夏卿以衛尉爲衛尉卿廷尉爲廷尉卿將作大匠爲大匠卿三卿是爲秋卿以光祿勳爲光祿卿

大鴻臚爲鴻臚卿都水使者爲大舟卿三卿是爲冬卿凡十二卿皆置丞及功曹主簿後魏又以太常光祿勳衛

尉謂之三卿太僕廷尉大鴻臚宗正大司農少府爲六卿各有少卿太和十五年初置北齊以太常光祿衛尉宗

正太僕大理鴻臚司農太府是爲九寺

晉荀勗曰九寺可併於尚書後魏亦有三府九寺則九卿也置卿少卿丞各

一人各有功曹五官主簿錄事等員隋九寺與北齊同自昔三代以上分置六卿至周明備至秦及漢雖事不師古猶制度未繁後漢有三公九卿而尚書之任又益重矣

職官以降職制日增後周依周禮置六官而年代短促人情相習已久不能革其視聽故隋氏復廢六官多依北齊之制官職重設庶煩滯加六尚書似周之六卿又更別立寺監則戶部與太府分地官司徒職事禮部與太常分春官宗伯職事刑部與大理分秋官職事工部與將作分冬官司空職事自餘百司之任多類於斯欲求理要實在簡省煬帝降光祿以下八寺卿階品於太常而少卿各

加置二人始開皇中諸司署惟典掌受納至煬帝署令唐九寺與北齊同卿各一人少卿各二人丞以下有差龍

朔二年改九寺之名凡卿皆加正若太常卿為奉常後各復舊

宋初雖有九卿皆以為命官之品秩而無職事元豐正名始有職掌中興初併省冗職除太常寺大理寺不罷外

宗正以太常兼而衛尉太僕併兵部太府司農併戶部光祿鴻臚併禮部紹興復置宗正太府司農餘遂廢

太常卿少卿 丞 主簿 博士 太祝 奉禮郎 協律郎 兩京郊社署 太樂署 鼓吹署 太醫署 太卜署 廩犧署 汾祠署

今太常者亦唐虞伯夷為秩宗兼夔典樂之任也周時曰宗伯為春官掌邦禮秦改曰奉常漢初曰太常欲令國

家盛太常存故稱太常顧師古曰太常者王之旌也盡日月焉王者有大事則建惠帝更名奉常景帝六年更名

太常高帝時叔孫通為奉常定宗廟儀法及定漢儀後漢秩與漢同每祭祀前奏其禮儀及行事贊天子每選試

博士奏其能否大射養老大喪皆奏其儀每月前晦察行陵廟助祭則平冕七旒漢舊常以列侯忠敬孝慎者居

之後漢不必侯也舊制陵縣悉屬歲舉孝廉後漢則否建安中為奉常魏黃初元年改為太常魏晉皆銀章青綬

進賢兩梁冠絳朝服佩水蒼玉宋齊皆有之舊用列曹尚書好選曹尚書領護梁視金紫光祿大夫陳因之後

魏為上卿兼置小卿官周禮有小宗伯中北齊曰太常寺置卿及少卿丞各一人掌陵廟羣祀禮樂儀制天文術

數衣冠之屬後周建六官置大宗伯卿一人掌邦禮以佐是為春官隋曰太常與北齊同煬帝加置少卿二人唐

因之龍朔二年改太常為奉常少卿丞隨寺名咸亨元年復舊光宅元年改太常為司禮神龍初復舊卿一人掌

禮儀祭祀總判寺事少卿二人通判餘寺少卿職並同太常少卿領丞一人主簿二人博士四人太祝二人奉禮郎
 協律郎各二人齋郎五百五十二人其餘小吏郊祀大公廟大樂鼓吹太醫太卜廩犧等署各有令其郊社及太公廟兩京皆有

宋初太常寺皆以禁林之長主判以兩制充而禮院自有判院同判院祥符中祥瑞繁縟別建禮儀院輔臣主

判而知制誥為知院天禧末罷知院天聖中省禮儀院而寺與禮院事舊不相兼康定元年置判寺同判寺並兼

禮儀事元豐正名始專其職焉卿掌禮樂郊廟社稷壇壝陵寢之事禮之名有五吉賓軍嘉凶皆掌其制度備式

薦獻器服名辨其等掌樂律樂舞樂章凡親祠及四孟月朝獻靈宮郊祀太廟掌贊相禮儀升降之節及朝會燕享上壽封冊之儀有禮樂有損益及祀典神祇爵號與封襲繼嗣之事常考定者擬上於禮部凡太醫政令以

時順元祐詔太常寺置長貳餘寺監長貳並互置中興併省寺監獨存太常又命太常兼宗正紹興復隆興元年

詔光祿寺併歸太常寺兼領掌社稷及武成王廟諸壇齋官習樂之事丞一員罷卿舊不除人紹興二十五年除

遂改宗正復言之乃除樂酒開祿間忽除陳露俄亦改秘書監少卿元祐初除呂純禮御史論門蔭得官不可任奉常於是外補建炎初并省光

職詔太常少卿一員兼宗正少卿國初太常少卿博士寺丞俱為寄祿官少卿後來為朝議大夫博士丞議郎丞奉議郎

丞秦置一人漢多以博士議郎為之後漢凡諸丞皆掌行禮及祭祀小事總署曹事舉廟中非法皆銅印墨綬進

賢兩梁冠職官要錄曰晉宋九卿丞皆進賢一愿代皆有煩劇多過數弘自免及賢疾篤弘坐廳事繫獄梁舊用

員外郎遷尚書郎天監七年改視尚書郎陳因之後魏北齊亦有之隋有二人唐因之分判寺事餘寺丞職並同

宋皇祐中詔特差近上知禮官一員兼丞事建炎三年省紹興復置

主簿漢有之漢鹵簿之制太常駕魏晉亦有焉梁天監七年十二卿各置主簿一人陳因之北齊有功曹五官主

簿二人

歷代諸主簿多說在列職篇

唐置二人掌付事句稽省署鈔目監印給紙筆等事

餘事主簿並同職

宋皇祐中宋祁乞增置一員句檢在寺文書及掌出納遂除胡瑗後省不置元豐正名初除王子奇建炎三年省

紹興十年復置容齋洪氏隨筆曰自元豐官制行九寺五監各置主簿專以掌句考簿書為職他不得預紹聖

初韓粹彥為光祿主簿自言今輒預寺事非先帝意也請如元豐詔書從之如玉牒修書主簿不豫見於王定國

雜錄予猶及見紹興中太府寺公狀文移惟卿丞繫銜後來掌故之吏昧於典章遂一切與丞等今百官庶府皆

戾官制非特此一事也

博士魏官也魏文帝初置晉因之掌引導乘輿王公以下應追諡者則博士議定之

秦有博士數十人兩漢太常屬官皆有博士掌以五經教

子弟則今國子博士是也說在本篇

端委佩玉朝之大典必於詢度歷代皆有隋有四人唐因之甚為清選資位與補闕同掌撰五

禮儀注導引乘輿贊相祭祀定誅諡及守祧廟開閉堦室及祥瑞之事

宋祥符中置博士二員後四員元豐正名初除何洵直博士掌講定五禮儀式有改革則據經審議凡於法應諡

考其行狀撰定諡文有祠事則監視儀物掌凡贊道之事中興省丞簿而太常博士如故紹興九年諫議大夫曾

統言祖宗朝太常博士四員今見一員添置一員隆興元年從王太寶等議併省博士一員

太祝殷官與太宰等官為六太周官太祝下大夫二人上士四人掌六祝之辭以祈福祥秦漢有太祝令丞後漢

亦曰太祝令丞晉宋齊梁陳後魏北齊皆因之後周依周官至隋置太祝署太祝令丞煬帝罷署太祝八人唐初

有七人後增為九人開元二十三年減置三人掌讀祝文出納神主

宋太祝奉禮郎掌奏祭祀闕則承奏降京官十六以上未掌事者充郊社掌坐齋郎無員數

富韓公之父貧甚客呂文穆門下一日白

公曰某兒子十許歲欲令入書院事廷評太祝李文靖公為相治第隘甚或以為公言曰居第
雷傳子孫此為宰相應事誠隘為太祝奉禮應事已寬矣蓋三官皆宰相子弟初隆之官也

奉禮郎漢大鴻臚有理禮郎四十七人管理禮郎四人屬大行令後魏理禮郎四人北齊有奉禮郎三十人屬鴻
臚寺之司儀署後周有理禮中士下士各一人隋有奉禮郎十六人屬太常寺煬帝減至六人唐初有理禮郎四
員掌設板位執儀行事至永徽二年以廟諱改為奉禮郎開元二十三年減二員奉禮本名理禮國家撰五代史
志至永徽七年乃成於時此官

已收故隋書百官志謂北齊及隋時理禮皆為奉禮奉禮之名雖見於前史其改始自永徽宋奉禮郎品秩見前掌奉幣帛授初獻官大禮則設親祠板位大

祀掌讀冊捧捧以嘏告飲福則進爵酌酒受其虛爵

協律郎漢曰協律都尉李延年為之武帝以李延年為新聲故為此官後漢亦有之魏杜夔亦為之魏武平荊州初得杜夔晉改

為協律校尉後魏有協律郎又有協律中郎北齊及隋協律郎皆二人唐因之掌舉磨節樂調和律呂監試樂人

典課

宋協律郎朝宴親郊則遣官攝事崇寧後協律郎隸大晟府又有按協聲律製撰文字運譜等官以京朝官選又

或白衣士人通樂律者為之

兩京郊社署周官有典祀掌以時祭祀秦漢有太祝令丞屬奉常景帝改為祠祀武帝更曰廟祀後漢祠祀屬少

府魏晉有太祝令丞宋曰明堂令丞掌祀五帝之事齊有太祝及明堂二令梁有明堂太社二令並屬太常北齊

太廟令兼領郊祀崇虛二丞郊祀掌五郊羣神崇虛掌五嶽四瀋神後周有司郊上士中士司社中士下士隋太常寺置郊社署令

丞各一人唐因之掌郊祀明堂祠祀祈禱及茅土衣冠等事

宋嘉祐元年置郊社令命石祖元為之熙寧元年郊社局令張伯世言合有郊社名而不主四郊之事於是始主

四郊壇壝之事

按唐六典兩京郊社局令各一人掌五郊社稷明堂之位然則郊社令通管五郊之事乞自今兼令甸當四郊壇壝之事使得巡視提舉所實正其名郊兆常潔從之郊社令掌巡視四郊及社稷

之壇壝掌凡掃除之事祭社則省牲渡江初闕紹興十九年始除韓彥直太社令請給並依五監主簿例

太樂署周官有大司樂掌成均之法亦謂之樂尹以樂舞教國子左傳楚鍾建爲樂尹即大司樂也秦漢奉常屬官有太樂令及

丞又少府屬官并有樂府令丞後漢永平三年改太樂爲太子樂令掌伎樂人凡國祭饗掌諸奏樂盧植禮注云太子令如古

大胥漢大樂律卑者之子不得舞宗廟之耐除更二千石到六百石及關內侯到五大夫子取適子高五尺以上年十二到三十顏色和順身體循禮者爲舞人魏復曰太樂令丞晉亦有之齊

銅印墨綬進賢一梁冠絳朝服齊太樂及諸醴令永明永置用二品勳臣主簿戶曹六品保舉梁陳因之後魏置太樂博士北齊曰太樂令丞

後周有大司樂掌成均之法後改爲樂部有上士中士隋有太樂令丞各一人唐因之掌習音樂樂人簿籍

宋制太樂局令一人丞一人樂正二人副使正二人掌車駕郊祀及御殿御樓大祠登歌徽宗時置大晟府以大

司樂爲長典樂爲貳次曰太樂令秩比丞次曰主簿曰協律郎又有按協聲律製撰文字運譜等官以京朝官選

又或白衣士人通樂律者爲之又以武臣監府門及太樂法物庫以待從及內省近侍官提舉所典六案曰太樂

曰鼓吹曰宴樂曰法樂曰知雜曰掌法京朝禮樂掌於奉常崇寧初置局議太樂樂成置府建官以司之禮樂始

分爲二四年詔曰迺者得隱逸之士於草茅之賤獲英莖之器於受命之邦適時之宜以身爲度鑄鼎以起律因

律以制器親賜樂名曰大晟府舊樂勿用五年二月因省冗員併之禮官九月復舊大觀四年以官徒廩給繁厚

樂令一員監官二員吏祿並視太常格宣和二年詔以大晟府近歲添置冗濫徵幸並罷

鼓吹署周禮有鼓人掌六鼓四金之音後漢有承華令典黃門鼓吹屬少府晉置鼓吹令丞屬太常元帝省太樂

并鼓吹哀帝復省鼓吹而在太樂梁有鼓吹令丞又有清商署北齊鼓吹令丞及清商署並屬太常隋有鼓吹清

商二令丞至煬帝罷清商署唐鼓吹署令丞各一人所掌處與太樂同

宋鼓吹局令一人丞一人崇寧後隸太晟府

詳見太樂署

太醫署周官有醫師上士下士掌醫之政令秦兩漢有太醫令丞亦主醫藥屬少府

後漢又有醫長魏因之晉銅印丞有醫工長

墨綬進賢一梁冠絳紗服而屬宗正過江省宗正而屬門下省宋齊隸侍中梁陳因之後魏有太醫博士助教北

齊又曰太醫令丞後周太醫下大夫隋太醫署令二人唐因之主醫藥凡領醫針灸按摩咒禁各有博士五代時

有翰林醫官使

宋制翰林醫官院使副各二人並領院事以尙藥奉御充或有加諸司使者直院四人尙藥奉御六人醫官醫學

祇候無定員

舊制翰林醫官使四人副使二人直院七人尙藥奉御七人三十人醫學四十人丞候醫人十二人其員眾多寶元二年始立使副直院尙藥奉御定員醫官醫學無班位以服色爲差加同正官至尙

藥奉御者或加檢校官其直院則奉御掌供奉醫藥及承詔視療衆疾之事典二人徽宗時置翰林院句當官一

及同正官皆爲之多自醫官特獎而授

員以內侍省押班都知充總天文書藝圖書醫官四局崇寧元年詔醫官有勞轉皇城使寶及五年方許除遙郡

刺史又七年除遙郡團練又十年以上方許除遙郡防禦使醫官有和安成和成安成全大夫

舊爲軍器庫使保和大夫

舊爲西使保安大夫

舊爲樞密使翰林良醫

舊爲翰林醫官使

和安成和成安成全

舊爲軍器庫副使

保和

舊爲西使

保安郎

舊爲翰林醫官副使翰林醫官翰林醫效翰林醫痊翰林醫愈翰林醫證翰林醫診翰林醫候翰林醫學諸

司使副有醫官使及副使蓋自太醫丞直院轉醫官副使叙遷年格一同武官但爲東班使額耳

謂自法酒庫以上至皇城使

政和初既易武階而醫官之名亦遂易焉凡十有九階立和安大主視權易仲以上翰林良醫視醫官使其和安

郎以下視東副使若醫官副使則以醫正易之

官制舊典云此名皆大臣所撰無所稽據傳曰登高能賦舊額和可以爲大夫今乃以雜流爲之可見當時大臣之不學也

安大夫至良醫二十員紹興二年五員和安郎至醫官元額三十員紹興二年四員醫效元額七員紹興二員醫痊元額十員今一員醫愈至祇候大方脈元額百五十員紹興十五員而已

太卜署殷官太卜為六太周官太卜掌三兆之法奏漢有太卜令後漢并於太史自後無聞後魏有卜博士北齊有太卜局承後周有太卜大夫小卜上士龜占中士隋曰太卜令丞一人唐因之

宋以太卜隸司天臺然不置專官

廩犧署周禮有牧人掌牧六牲以供祭祀秦漢內史左馮翊廩犧令丞並掌犧牲薦薦後屬大司農後漢河南尹屬官有廩犧丞魏晉宋齊梁陳後魏北齊隋皆有之唐令丞各一人掌犧牲祭盛之事

汾祠署齊太公廟署並有令丞各一人唐開元中置

宋廩犧屬光祿寺有牛羊司供應所掌大中小祀牲牷及太官宴享膳饈之用監官三人以諸司使副及三班使臣充監棧圈三人以三班使臣充

光祿卿少卿丞主簿大官署珍饈署良醢署掌醢署

秦有郎中令主郎內諸官故曰郎中令掌宮殿掖門戶漢因之石建為郎中令奏事已下建省讀驚曰書屬者與尾而五今乃不足一獲隨死矣其謹慎如此至武帝太初

元年更名光祿勳應劭曰光明也祿爵也勳功也如清曰勳之言開也開古主門之官光祿主官門故也張安世勳為司中後漢曰光祿勳所掌同典三署郎更直執戟宿衛考其德行而進退之漢東京三署郎有德應四科者

乃收光祿署郎罷省光祿勳依舊郊祀之事掌三獻光祿勳居禁中如宋之殿中御史有獄在殿門外謂之光祿外部兩漢自光

祿大中散諫議等大夫及謁者僕射羽林郎郎中侍郎五官武賁左右等中郎將奉車附馬二都尉車戶騎三

祿大

將如清曰主車曰車並屬光祿勳後漢張湛字子孝拜光祿勳光武臨朝或有惰容湛輒陳諫其失又杜林字伯

進朝夕滿堂士以此高而慕附又荀爽為光祿勳祿事三日冊拜司空建安末復改光祿勳為郎中令魏黃初元年復為光祿勳東晉哀帝興寧二

年省光祿勳併司徒孝武靈康元年復置自魏晉以後無復三署郎而光祿不復居禁中唯外官朝會則以名到

焉二臺奏劾則符光祿加禁止解禁止亦如之蔡入殿省光祿主殿門故也其宮殿門戶至宋文猶屬焉梁除勳字謂之光祿

卿卿舊視列曹尚書天監中視中庶子職與漢同後魏又置少卿北齊曰光祿寺置卿少卿兼掌諸膳食帳幕隋

文帝開皇三年廢光祿寺入司農十二年復置初有卿及少卿各一人煬帝加置二少卿唯取漢代舊名唐龍朔

二年改光祿寺為司宰寺咸亨初復舊光宅元年為司膳神龍初復舊卿一人掌終獻行事少卿二人領太官珍

饈良醢醢等四署署各有令丞

丞漢二人多以博士議郎為之後漢一人魏晉因之銅印黃綬梁陳視員外郎其員外說在通直散騎常侍郎中後魏北齊並有

之隋有三人唐置二人

主簿漢置晉宋齊梁陳並有之北齊曰功曹五官主簿隋二人唐因之

宋光祿寺判寺事一人以朝官以上充古者其屬有太官珍饈良醢醢四局今分隸御廚法酒庫古者祭祀則

省牲饌濯漑三公攝祭為終獻今並以他官攝本寺但掌供祠祭酒醴果實醢醢菹薪炭及黠饌進胙之事卿少

卿丞為寄祿官卿後來為中奉大夫少卿朝儀大夫丞宣義郎元豐官制行置卿少卿丞主簿各一人元祐三年

詔長貳互置政和六年監察御史王桓等言祭祀牲牢之具掌於光祿而寺官未嘗臨視請太祠以長貳朔祭及

中祠以丞簿監視宰割禮畢頒胙有故及小祠聽以其屬攝從之中興後廢光祿併入禮部

太官署令丞於周官爲膳夫庖人外饗中士下士蓋其任也秦爲太官令丞屬少府兩漢因之桓帝延熹元年使太官令得補二千石魏亦屬少府晉屬光祿勳宋齊屬侍中梁門下省領太官陳因之後魏分太官爲尙食中尙食知御膳隸門下省而太官掌百官之饌屬光祿卿北齊因之後周有典庖中士內膳中士隋如北齊唐因之各一人

宋朝隸御廚尙當官五人以朝官并諸司使副內侍都知押班充掌供御之膳饌及內外饗餼割烹煎和素膳之事元祐初罷太官令二年復置崇寧二年置尙食局太官令惟掌祠事

珍饈署令丞周官籩人掌四籩之實蓋其任也後漢少府屬官有甘丞主膳具晉太官令有飴官果官吏各二人自後無聞北齊饌藏令屬光祿寺後周有饌藏中士下士隋如北齊唐因之長安中改爲珍饈神龍初復舊開元初又改之有令丞各一人

宋珍饈署隸御廚有供備庫

太平興國二年改爲內物料庫

有使及副使掌供尙食及內外膳饌米麪飴蜜棗豆百品之料監官

二人以三班及內侍充監門一人以三班充外物料庫掌給皇城外諸宮院油鹽米麪之品監官二人以三班內侍充

夏醞署令丞於周官有酒正中士下士掌酒之政令後漢湯官丞主酒屬少府晉有酒丞一人齊尙食官局有酒吏

梁曰酒庫丞北齊有清漳令丞主酒後周如古周之制隋曰夏醞署令丞各一人唐因之

宋夏醞署屬御廚有內酒坊使掌造法糯酒常料之三等酒以供邦國之用監官三人監門二人以三班內侍充都麴院掌造麴以給內酒坊之用及出鬻而收其直監官一人以京朝官及諸司使副內侍充法酒庫掌造供御

及祠祭周太祖平河中得酒工王思造法醴因立法酒庫置之凡祭祀供五齊三酒以寶樽罍監官二人以朝臣及三班使臣內侍充

掌醢署令丞於周官有醢人掌四豆之實自後無聞至齊諸公府有釀食典軍二人後周有掌醢中士下士隋曰掌署令丞各一人唐因之

宋屬御廚有油醋庫監官一人以京朝官充掌造油醢以供邦國膳饈內外之用

衛尉卿丞主簿武庫令丞武器令丞守宮署公車司馬令左右都候附

衛尉秦官掌門衛屯兵漢因之漢舊儀曰衛尉寺在宮內胡廣云主宮闕之衛尉寺於周垣下為區區者若今之仗宿屋景帝初更名中大夫令後元年復為

衛尉又有長樂建章甘泉衛尉皆掌其宮其職略同而不常置顏師古曰各隨所掌之宮以為官名後漢有衛尉卿一人職與漢同

晉銀章青綬五時朝服武官佩水蒼玉掌冶鑄領冶金凡領五千三百五十治在江北面江南唯晉江左不置衛

尉宋孝武復置南齊掌宮城管鑰後漢張衡西京賦曰衛尉八屯以警夜巡南齊宮城諸御敵樓上本施鼓持夜者以應更唱高帝以鼓多警眠遂改以鐵鑰梁衛尉卿位視

侍中職與漢同卿每月丞每旬行宮微糾察不法陳因之後魏亦有之北齊為衛尉寺有卿及少卿各一人隋文

帝開皇三年廢衛尉寺入太常及尚書省十三年復置軍器儀仗帳幕之事而以監門衛掌宮門屯兵唐因之

龍朔二年改衛尉為司衛咸亨初復舊光宅元年又改為衛尉神龍初復舊卿一人少卿二人初少卿一人太領極元年加一人

武庫武器守宮三署署各有令丞秦漢多以博士議郎為之後漢一人魏晉並同宋孝武增置一人梁亦有之後

魏北齊並有隋因之唐置二人

主簿一人漢衛尉駕四馬主簿前車以乘晉有衛尉主簿二人宋齊梁陳因之北齊隋亦有二人唐因之

宋衛尉寺判寺事一人以郎官以上充凡武庫武器並歸內庫及軍器庫以他官及內侍典領守宮歸儀禮司本

寺無所掌卿少卿丞皆爲寄祿官卿後來爲中奉大夫少卿奉直大夫寺丞宣義郎元豐官制行置卿少卿丞主簿各一人卿掌儀衛兵械甲冑之政令少卿爲之貳丞參領之凡內外作坊輪納兵器則辨其名數驗其良窳以歸於武庫不如式者罰之時其曝涼而封籍其數若進御及頒給則按籍而出之每季委官檢視歲終上計帳於兵部掌凡幄帟之事大禮設帷宮張大次小次陳鹵簿儀仗長貳晝夜巡徼察其不如儀者押仗官則前期稟差凡仗衛供羽儀節鉞金鼓檠戟朝會亦如之宴享賓客供幕茵席視其敝者移少府軍器監修焉分案四置吏十元祐三年詔長貳互置所隸官司十有三內弓箭庫南外庫軍器衣甲庫軍器弓槍之庫軍器弩劍箭庫掌藏兵仗器械甲冑以備軍國之用儀鸞司掌供幕帟供帳之事軍器什物庫宣德樓什物庫掌收貯什物給用則按籍而頒之左右金吾衛司六軍儀仗司掌清道徼巡排列奉引儀仗以肅禁衛凡儀物以時修飾選募人兵而校其遷補之事

政和五年詔金吾衛仗司依格差貳翼大夫以上

中興後廢衛尉并入工部

武庫令丞於周官司甲司弓矢等下大夫司戈盾等中士下士置其任也兩漢曰武庫令屬執金吾後漢又有考工令丞屬太僕主造兵器成付武庫令魏晉因之晉後屬衛尉宋齊武庫令丞屬尚書庫部梁陳屬衛尉卿北齊亦有後周如周官隋如北齊唐因之各一人天寶六載四月勅改儀制令副社門宮門每門各二十戟東宮每門各十八戟一品門十六戟嗣王郡王若上柱國帶職事二品散官光祿大夫以上銀國大將軍以上各同職事品及京兆河南太原府大都督大都護門十四戟上柱國帶職事三品上護軍帶職事二品若中都督上都護門十二戟國公及上護軍帶職事三品若下都督諸州門各十戟並官給貞元五年十二月中書門下奏應請列戟官準儀制令正一品開府儀同三司嗣王郡王并勳官上柱國柱國等帶職事三品以上並許列戟準天寶六載四

月勅文加散官光祿大夫鎮國大將軍以上各同職事品近日散試官便帶高階者眾恐須商量者依請準舊制令本文取帶三品以上正員職事為定勅旨依

武器署令丞隋行臺尚書省有武器監令唐永徽中始置各一人掌祭祀及朝會巡幸及公卿婚嫁鹵簿之事

宋武庫武器並歸內庫及軍器庫以他官及內侍典領軍器凡四庫句當官並二人衣甲弓槍弩劍三庫悉以諸司使副及內侍充什物庫以三班使臣充掌禁兵器鎧甲洪軍什器儲待之物辨其出納

守宮署漢有守宮令丞掌御紙筆墨及諸財用并封泥之事屬少府晉及北齊屬光祿勳北齊守宮令掌張設之事梁陳屬大匠卿隋屬衛尉寺唐置令一人掌諸鋪設帳幕氍毹牀薦几席之事廣德二年二月敕文京兆府諸司諸使幕士工匠總入萬四千

五百人數內宜月支二千九百四十四人仍令河東關內諸州府總戶口分配不得偏出京兆府餘八萬一千一百一十四人並序

宋守宮署歸儀鸞司儀鸞司句當官四人以諸司使副及內侍充掌奉乘輿親祠郊廟朝會巡幸宴饗及內庭供帳之事凡三庫一曰金銀器皿帟幕什物二曰香燭三曰氍毹牀椅鐵器雜物監門二人以三班使臣充

公車司馬令秦屬衛尉漢因之掌殿司馬門夜徼宮中天下上章四方貢獻及闕下凡所徵召公車者皆總領之

漢張釋之為公車令時景帝與太子梁王共車入朝不下司馬門後漢有丞一人丞選曉諱掌知非法尉主觀門

釋之遂劾其不敬文帝免冠謝太后太后詔赦之然後得入宮也兵禁戒非常胡廣曰諸門部各陳也夾道其旁設兵以示威武交節載以遮誤出入也晉江左以來直曰公車令宋以後屬侍中隋有公車署置令丞

唐無

左右都候周禮司膳氏有夜士千後漢各一人主劍戟士徼循宮及天子有所收考宮中諸有詔奏罪左候執

小各付所屬見尚書令儀射屬衛尉後無尚書皆執版拜見郎對揖

宗正卿少卿 丞 主簿 崇元署 諸陵署 太廟令

周宮小宗伯掌三族之別以辨其親疏秦置宗正掌親屬漢因之更以叙九族平帝元始四年更名宗正五年又

於郡國置宗師以糾皇室親族世氏致教訓焉選有德義者爲之有冤失職者宗師得因郵亭上書宗伯請以聞

爲書付郵亭令送至宗伯常以正月賜宗伯帛十匹王莽併宗伯於秩宗後漢曰宗正卿一人掌序錄王國嫡庶之次及諸皇

室親屬遠近郡國歲因計上皇族名籍若有犯法當髡以上先上諸宗正宗正以聞乃報決

明廣曰宗正又屬一第脫曰兩漢皆以皇族爲之不以他族

魏元王子鄒杏劉驥劉德等造爲此官又後漢書魏亦然晉兼以庶姓昆切

山公啓事曰羊祜忠篤寬厚然不長理嗣宗正卿缺不審可轉作否咸寧三年又置宗師以扶風王亮爲之使皇室戚屬奉德義所有施行必令

誥之爲宗師亦東晉省之屬太常桓溫宋齊不置宗正梁天監七年復置之視列曹尙書主皇室外戚之籍以皇族爲之陳因之後魏有宗正卿少卿北齊亦然後周有宗師中大夫

掌皇族定世系辨唐龍朔二年改爲司宗咸亨元年復舊光宅元年改爲司屬神龍初復舊卿一人少卿二人

初少卿一人太極掌皇族外戚簿籍及邑司名帳領崇元署及諸陵太廟開元二十五年制宗正等寺官屬皆以皇族爲之

宋宗正寺判寺事二人以宗姓兩制以上充闕則以宗姓朝官以上知丞事掌奉宗廟諸陵薦享之事司皇族之

籍大宗正司知司事二人以皇親團練觀察使以上充掌敦睦皇族教導宗子受其陳請辯訟之事及糾過失而

達之朝廷

景祐三年給事中屬歲撰宗子名以進

正事皇姪彰化軍節度觀察留後守節同知大宗正事修玉牒官無定員掌修皇帝玉牒序宗派紀族止寺長貳不專用國姓蓋自有大宗正司以統皇族也中興後卿一人不常置少卿一人以太常兼三年復置少

卿一員嘉定九年詔以宗學改隸宗正寺自此寺官又預考校之事大宗正司知及同知官各一人丞二人官屬有記室一人熙寧三年始以異姓朝臣二員知丞事置局於睦親廣親宅是歲省管句睦親廣親及提舉郡縣主等宅官以其事歸宗正崇寧三年置南外宗正司在南京西外宗正司在西京各置敦宗院中興後以什高屬等者爲判大宗正事如舊制以宗室團練以上有德望者充又置知大宗正丞一員以文人充掌糾合宗室而檢防之訓飭之凡南班宗室慶勘遷轉襲封請給核其當否嫁娶房奩分析財產酌厚薄多寡而訂其議凡宗室除合該賜名外皆大宗正定名而後報宗正寺其餘選授官資支給錢米者核以昭予奪其不率教者以法拘之歲久知悔則除其過名分按大署吏十有二又有南外宗正司西外宗正司以處宗室之在外者各仍舊制設厚宗院皆設知宗仍以所在通判職官兼丞簿其糾合檢防訓飭如大宗正司西南外兩司闕知宗閒令大宗正司選擇保明而後授之又各置教授以課其行藝初建炎南幸先徙宗室於江淮於是大宗正司移江寧南外移鎮江西外移揚州其後屢徙後西外止於福南外止於泉又有紹興府宗正司蓋初隨其所寓而分管轄之乾道七年嘗欲移紹興府宗正司於蜀不果後歸併行在嘉定閒用臣僚言乞凡除授知宗須擇老成更練之人詔知宗宗丞照百司例每日入局所以示增重宗盟之意

玉牒所清化六年始設局置官倣唐制也詔以皇宋玉牒爲名建玉牒殿宇新寺九年以知制誥劉筠夏竦爲修

玉牒官自後置一員或二員

朱勝非秀水閑居錄本朝國書嚴奉寶藏未有如玉牒者用金花紅羅標黃金軸至神宗朝以軸六難於披閱詔爲黃金梵夾又以黃金爲匣鑲金也進呈畢安奉

於宗正寺玉牒殿士大夫罕有知其制度者予頃在朝廷因宗正丞謝汲自本寺事論及玉牒問率執諸公制度趙元鼎曰不過刻如玉冊耳予曰國家示支之蕃自古無之每朝爲一牒宗室官稱名行女與其夫皆錄之以玉刊不其難乎又中興系年錄注每朝爲一牒乃載人主系序及歷年行事如帝紀而差詳其後附以皇后事迹親王宗室子女則有宗蕃慶系錄仙源類譜仙源積慶圖三書詳焉非同爲一牒也玉牒則奉安於玉牒殿類譜

則安於國籍堂景祐元年宗正寺修玉牒官李淑申請詔以編修院廳西閣子充修纂玉牒之所李淑言前修玉牒非亦少誤

兼編修會要蓋緣國史玉牒事節熙寧三年玉牒於三班院置局後徙編修院皇帝玉牒十年一進修玉牒官並須要照會所以只就編修院修纂

以學士典領自元豐行官制分隸宗正寺官六年詔宗正寺修玉牒照用日曆所文字並指定所書事令本所節錄元符二年宗正寺丞陳覺民乞將先帝玉牒內聖政令本寺修玉牒官鈔寫封送國史院從之紹興十二年襲

舊制始建以宰臣一人提舉修玉牒官一人以待從兼凡宗正卿少而下悉與修纂二十九年詔玉牒所併入宗正寺更不置修玉牒官檢討官以本寺少卿及丞同領編修事詔玉牒所宰臣提舉依舊修書官一員同宗正卿

丞修纂更不置檢討官紹興三十二年詔尚書左僕射陳康伯提舉編修玉牒後或以參知政事簽書樞密院事兼權提舉乾道元年錢端禮以參政兼權將故事玉牒以前相領之自後相府有闕則以首參兼領仍帶權字淳

熙十五年王丞相准去位周益公以右揆兼領時勅令所纔罷而首參仲至無兼局益公乃奏乞以仲至權提舉玉牒宰相在位而執政權領寶訓玉曆自此始也

丞漢亦用皇族後漢一人劉茂字子衡為宗正丞歷代皆有之隋有二人唐因之

宋初為寄祿官後改為奉議郎元豐正官名詔宗正寺除長貳外自今後更不專差國姓以楊長超君錫為之建炎三年罷紹興五年復置

主簿梁置陳北齊隋皆有唐因之置一人

宋天禧時以衛尉丞兼元豐正名初除楊完建炎三年罷紹興十年復置

崇元署令一人初後魏天興二年置仙人博士掌煮煉百藥北齊置昭元等寺掌諸佛教有大統一人人都維那三